

अथ त्रयोदशोऽध्यायः

तेहमाँ क्सेत्र, क्सेत्रग्य योग अब्दुग्याय

श्रीभगवानुवाच

इदं शरीरं कौन्तेय, क्षेत्रमित्यभिधीयते।
एतद् यो वेत्ति तं प्राहुः, क्षेत्रज्ञ इति तद्विदः॥ १

स्रीभगवान् बोले

(क्सेत्र 'र' क्सेत्रग्य, येँ के हों सैं)

या काया कुन्ती कै सुत रे, 'क्सेत्र' नाम तँ बोली जा सै।
इस नै जाणै, उस नै कहँदे, 'क्सेत्रग्य' नाम तँ जाणनियँ।
'क्षेत्र' खेत या काया हो सै, गेर करम के बीज खेत में।
फसल उगावै उस का ग्याता, मालक उस नै 'क्सेत्रग्य' कहँ ॥ १

क्षेत्रज्ञं चापि मां विद्धि, सर्वक्षेत्रेषु भारत।

क्षेत्रक्षेत्रज्ञयोर्ज्ञानं, यत्तज्ज्ञानं मतं मम॥ २

जग यो सारा क्सेत्र समस्ती, व्यस्ती सारे देह खेत सैं।
उस का ग्याता मन्नै जाणो, सब खेत सरीराँ में अर्जन।
भरत भूप कै कुल में जाए, खेत-खेत कै ग्याता की जो।
जाण समझ सै वो ए मैं या, मात्रूँ इसिये समझ जाणना ॥ २

तत् क्षेत्रं यच्च यादृक् च, यद्विकारि यतश्च यत्।

स च यो यत्प्रभावश्च, तत् समासेन मे शृणु॥ ३

(क्सेत्र का बर्णन)

वो खेत्तर छेत्तर जो जिस-सा, जो विकार उस के, जित तँ जो।
पैदा हौवै से अर वो जो, उस का ग्याता जिस प्रभाव का।

वो सार रूप मैं मत्तँ सुण ॥ ३

ऋषिभिर्बहुधा गीतं छन्दोभिर्विबिधैः पृथक्।

ब्रह्मसूत्रपदैश्चैव हेतुमद्भिर्विनिश्चितैः ॥ ४

रिसियौं नै भोत तहाँ गाया, छन्द बणा कैँ भोत तहाँ के।

न्यारे-न्यारे मन्त्र बोल कैँ, 'ब्रह्मसूत्र' के ब्रह्म जणाँदे ॥
सबदाँ तँ जो आप्णै मत की, पुस्ती में कारण, तरक कहँ।
अर सैं निस्चित नाँ भरमावँ, सङ्का संसै दूर करँ सैं ॥ ४

महाभूतान्यहंकारो, बुद्धिरव्यक्तमेव च।

इन्द्रियाणि दशैकं च, पञ्च चेन्द्रियगोचराः॥ ५

१-५ धरती पाणी आग हवा अर, आकास पाँचमाँ, पाँच ततव।
बणदा होन्दा सब जग इन तँ, 'महाभूत' सैं न्यूँ ये बोले ॥
सूक्सम केवल तन्मात्र अलग, रळ-मिळ पाञ्चूँ पञ्चीकृत।
दुनियाँ के वँ उपादान सैं, व्यापत जग कै कण-कण मैं ये ॥
६ इन तँ ऊप्पर एक समस्ती, 'अहंकार' ब्रह्माण्ड मूळ यो।
७ इन तँ ऊप्पर विग्यानात्मक, एक तत्त्व सै 'बुद्धि', 'महद्' जो ॥
खुद विकार सै तीन गुणाँ का, १ तीन्तूँ गुण जो 'सत्त्व', 'रजस्', 'तम'।
समता स्थिति मैं 'अव्यक्त' कही, जग की प्रकृती, पुरुस उपस्थिति ॥
पा कैँ बिसम बणे ये गुण सैं, २ 'महत्' कुहावँ पहली विक्रिति।
त्रिगुणा प्रकृती 'माया' सै या, ब्रह्माण्ड बण्या सै यो इस तँ ॥
पर कारण पर समवायी यो सै, इस तँ उत्पन 'बुद्धि' 'महत्' सै।
३ सद् रज तम कै त्रिवित् करण तँ, तीन्तूँ आपस मैं मिलणै तँ ॥
एक्के गुण जिब मुख्य बणै सै, दो हौँ न्यूँ ये इस तँ दुर्बल।
तीन तहाँ का 'हङ्कार' बणै, 'ब्रह्मा' राजस, सात्त्विक 'बिष्णु' ॥
तामस 'रुद्र' कुहावै 'सिव' बी, इन तँ उत्पन ४-५ पाँच भूत ये।
आठ तहाँ के कारण बोले, आठ प्रकृतियाँ स्त्रीकिरसन नै ॥

कारण एक 'र' कारज तेइस, साङ्ख्य सास्त्र मैं सैं ये बोले।
इन्द्र देव जो 'जीव' व्यापदा, कायास्थित बुद्धी मैं भासित ॥
'सूत्र' समस्ती मैं सैं कहँदे, मणक्याँ मैं ज्यूँ ताग्गा बड़ कैँ।
उन नै धारँ माळा बणदी, न्यूँ ए आत्मा जीव सूत्र सै ॥
बुद्धी मैं हो कैँ इन मैं भासित, तन जग माळा का यो सूत्तर।

बाँध बणावै देहमाळ सै, 'महत्' स्थिती नै न्यून ए धारै ॥
 १-१९ कायापुर में उस के साधन, करम ग्यान के इन्द्रिय दस सैं।
 उन तैं जुड़दा मनीराम सै, इन्द्री, इन तैं सै मन ऊप्पर ॥
 आँख जीभ'र नाक कान इन, ग्यान कराँदी इन्द्रियगण के।
 बिसै रूप रस गन्ध सबद सैं, मुखमण्डळ में स्थित हो सैं च्यारूँ ॥
 परस कराँदी इन्द्री पूरी, काया पै सै मँढ़ी चामड़ी।
 २०-२४ पाँच बिसै पाँच इन्द्रियाँ के, सोळा न्यून ये कारज सारे।
 कायकँवल की पाँखड़ियाँ-से, देह खेत का निर्माण करैं ॥ ५
इच्छा द्वेषः सुखं दुःखं, संघातश्चेतना धृतिः।

(इस खेतर की सात फसल सैं)

इस खेतर में जो फसलें उगदी, वैं में तन्नै ईब बताऊँ।
 १ सुख सै आच्छा लागै सब नै, 'राग' बणै, सुख मन नै रँग कैँ ॥
 २ उस कै कारण चाहत होन्दी, उस्सै सुख नै फेर पाण की।
 चाहत पूरी जो नाँ होवै, ३ दुख हो सै, इस तैं ४ द्वेष बणै ॥
 च्यारूँ रहँदे काया इन्द्रिय, मन चित्त अहंक्रिति अर बुद्धी।
 इन तैं बणदै ५ देहपिण्ड में, ६ इन में सब में व्याप्त चेतना ॥
 लोहपिण्ड में ब्याप्त आग-सी, जीव ततव की त्रिती आतमा।
 ७ 'धृति' अर होवै धीरज त्रिती, बुद्धि ततव तैं प्राप्त ज्ञान पै।
 हो कैँ स्थित खुद उस पै टिकणाँ ॥

एतत्क्षेत्रं समासेन, सविकारमुदाहृतम् ॥ ६

यो खेत कह्या सार रूप में, कत्तिस इसके घटक ततव सैं।

सङ्ग विकाराँ कै न्यून मन्नै ॥ ६

अमानित्वमदम्भित्वमहिंसा क्षान्तिरार्जवम्।

आचार्योपासनं शौचं, स्थैर्यमात्मविनिग्रहः ॥ ७

(ग्यान्नी की सैं बीस निसान्नी)

१ नहाँ मानणा खुद नै आच्छा, २ जो नाँ हो, वो कर दिखळा कैँ।
 ढाँग न करणा, ३ तन मन वाणी, इन तैं पर नै कस्ट न देणा ॥

४ देवै कस्ट कदे जो कोए, उस नै सहणा कसमा, ५ सरळता।
 मन में ब्याप्पी छोड कुटिलता, सोचै बोह्लै, सीधी तहियाँ ॥
 पर कै सँग ब्योहार करै सब, सीद्धा-साद्धा रहणा करणा।
 ६ सही ढङ्ग तैं रहणा-सहणा, आचार सिखावै, उस गरु कै ॥
 पास बैठ कैँ, सेवा में रह, ज्ञान कमाणा, ७ तन-मन नै अर।
 ब्योहाराँ नै स्वच्छ राखणा, ८ टिकणा आप्णै निस्चै पै अर।
 ९ तन-मन बुद्धी नै काब्बू में, राक्खै इन नै भाज्जण नाँ दे ॥ ७

इन्द्रियार्थेषु वैराग्यमनहंकार एव च।

जन्ममृत्युजराव्याधि दुःखदोषानुदर्शनम् ॥ ८

१० इन्द्रियबिसयाँ में मन नै नाँ, रँगणै देणा, ११ हङ्कार नहीं।

१२ जलम मरण अर वृद्ध अवस्था, रोगाँ के दुख, खाम्मी देखवै ॥ ८

असक्तिरनभिष्वङ्गः, पुत्रदारगृहादिषु।

नित्यं च समचित्तत्वमिष्टानिष्टोपपत्तिषु ॥ ९

१३ 'मैं' अर 'मेरा' सोच समझ कैँ, मन का फँसणा नाँ होवै।

१४ सुत, दारा, घर, स्थावर, जङ्गम, सम्पत्ती में घणै राग तैं ॥

'मैं ए ये सूँ', 'इन बिन कुछ नाँ', ये भाव हिदे मैं नाँ रखणा।

इतणा प्यार न इन तैं करणा, १५ नित अर आप्णा मन सम रखणा।

प्रिय या अप्रिय जब बी कुछ हो, सुळझै बिगड़ै काम किमे बी ॥ ९

मयि चानन्ययोगेन, भक्तिरव्यभिचारिणी।

विविक्तदेशसेवित्वमरतिर्जनसंसदि ॥ १०

१६ मेरै मैं ए चित्त लगा कैँ, भक्ति ओर की नाँ ए करणा।

१७ एकान्त जघाँ में रहणै की, आदत आप्णी गेर रहै जो।

१८ मन नाँ लगणा भीड़-भाड़ में, सभा-सुसाटी में नाँ रमणा ॥ १०

अध्यात्मज्ञाननित्यत्वं, तत्त्वज्ञानार्थदर्शनम्।

एतज्ज्ञानमिति प्रोक्तमज्ञानं यदतोऽन्यथा ॥ ११

१९ आत्मग्यान में निस्था होणा, २० तत्त्व समझ कैँ वस्तु परखणा।

बीस बात ये ग्यानप्राप्ति में, भोत सहायक 'ग्यान' कही सैं ॥

ग्यान होण की बीस निशान्नी, मज्जिल ये सैं बीस ग्यान की।
‘अग्यान’ कह्या इन तैं उलटा, उस तैं बच कै रहणा अर्जन ॥ ११
ज्ञेयं यत् तत् प्रवक्ष्यामि, यज्ज्ञात्वामृतमश्रुते।

(ग्यान का बिसै अर फळ)

जाणन जोग्गा जो वो बोह्लूँ, जो जाण अमरता पावै सै।
मरणबन्ध तैं छूटै माणस ॥

अनादिमत् परं ब्रह्म न सत् तन्नासदुच्यते ॥ १२

(उण्तीस निसात्री ग्यानबिसै की)

‘आदि’ न सरुआत कितै कहे, सै वो ब्रह्म परम अर ऊँच्चा ॥
नाँ ए ‘सत्’ सै, जाति क्रिया गुण, इन तैं वर्णन जोग्गा नाँ वो ॥
नाँ ए ‘नाँ सै’ इसा कुहावै ॥ १२

सर्वतः पाणिपादं तत्, सर्वतोऽक्षिशरोमुखम्।

सर्वतः श्रुतिमल्लोके, सर्वमावृत्य तिष्ठति ॥ १३

‘सब कान्हीं हात्थाँ पाँ आळा, सब कान्हीं आँक्खें, सिर, मुँह सैं।
सब ओड़ सैं अर कान उस के, दुनियाँ मैं सब घेर खड़्या ॥ १३

सर्वेन्द्रियगुणाभासं, सर्वेन्द्रियविवर्जितम्।

असक्तं सर्वभृच्चैव, निर्गुणं गुणभोक्तृ च ॥ १४

बाह्य इन्द्रियाँ करम ग्यान की, कारक बोधक साधन दस सैं।
इन तैं जुड़ जो काम करावै, मन वो हो सै इन्द्री दुहरा ॥
जाणै अर सारै बिसयाँ का, सङ्कल्प विकल्प तैं भेद करै।
भीतर की वो इन्द्री मन सै, ‘चित्त’ चेतना ज्ञान रूप मैं ॥
प्रस्तुत करदा आणा कर कै, नाम ‘अहङ्कृति’ भीतर साधन।
अलग-अलग अर कट्टे इन सब, ग्यान क्रियासाधन कर्ता का ॥
भावबिबेचन इन का कर कै, निर्णे करदी ग्राह्य हेय का।
करण भीतरी ‘बुद्धि’ परम सै, बाह्य भीतरी साधन बस ये ॥
सबबिध कारक ग्राहक बोधक, कृति गति रूपादि बिसै सारे।
सङ्कल्प, चेतना अर ‘मैं’ निर्णे, ये सब बण कै भासित होन्दा ॥

एक नहीं सै इन्द्री इस कै, फँस्या नहीं अर जुड़्या कितै नाँ।
सब नै धारै पाळै पोसै, निर्गुण ओर गुणाँ का भोक्ता ॥
इन्द्रिय बिसयाँ तैं, सुख दुख अर, लोभ मोह मद ईर्खादी का।
भोक्ता बी यो ब्रह्म स्वयं सै ॥ १४

बहिरन्तश्च भूतानामचरं चरमेव च।

सूक्ष्मत्वात् तदविज्ञेयं, दूरस्थं चान्तिके च तत् ॥ १५

बाहर, भीतर, सब भूताँ कै, स्थावर बी सै जङ्गम बी यो।
सूक्ष्म सै यो, इस कारण तैं, नाँ ए जाण्या जावै अर्जन।
दूर खड़्या अग्यानी नै यो पास तथा सै ग्यानी म्हैं यो ॥ १५

अविभक्तं च भूतेषु, विभक्तमिव च स्थितम्।

भूतभर्तृ च तज्ज्ञेयं, ग्रसिष्णु प्रभविष्णु च ॥ १६

नहीं बँड्या बी भूताँ मैं यो, न्यारा-न्यारा बैट्ट्या लागै।
भूताँ का अर पाळक-पोसक, स्थिति कै बखतैं समझो इस नै ॥
प्रलै समै मैं गास बणावै, रस्सी नै जिब साँप समझदा।
सृस्टी वा अग्यान स्थिती की, अग्यान रहै सै जिब ताई ॥
रस्सी मैं सै साँप दीखदा, असल चीज का ग्यान जिबै हो।
गास बणा कै भखै साँप नै, न्युँ ए अग्यानदसा मैं या ॥
कार्य रूप मैं अलग लगै सै, कारण परम समझ मैं आवै।
एक रूप मैं दुनियाँ दीक्खै, न्युँ ए ग्यानदसा मैं दुनियाँ ॥
ब्रह्म ततव का गास बणै सै, प्रलै समै मैं दुनियाँ नै वो।
गास बणावै सब भेदाँ संग, उत्पन करदा सृस्टिकाळ मैं ॥ १६

ज्योतिषामपि तज्ज्योतिस्, तमसः परमुच्यते।

ज्ञानं ज्ञेयं ज्ञानगम्यं, हृदि सर्वस्य विष्ठितम् ॥ १७

सूरज चाँद सितारे नभ मैं, चिमकै अन्तरिक्ष मैं बिजळी।
धरती पर सै आग जळै या, जड़ अर चेतन सब मैं रहँदी ॥
देहलोक मैं ग्यारा इन्द्री, कारक बोधक सङ्कल्पक यैं।
क्रिया ग्यान सङ्कल्प क्रिया तैं, दुनियाँ नै सैं करै प्रकासित ॥

सब तैं ऊप्पर बुद्धी राणी, गलत सही मैं भेद करावै।
जोत प्रकासक स्थूल सूक्ष्म की, प्रकास किरण वो इन मैं भर कै॥
इन जोताँ की बी वो जोती, २६ग्यान त्रित्ति का परम बिरोधी॥
फैल जगत नै दुखी करै जो, उस अग्यान अँधेरैं तैं वो।
'पर' सैं ऊप्पर, दूर, अछूता, परम ततव वो ग्येय कह्या जा॥
२७ग्यान, २८ग्यान का बिसै तथा २९फळ, ब्रह्मरूप जो होणा होसै।
यैं बी सारे ग्येय ब्रह्म सैं, हिरदै मैं सब कै खास धर्या॥ १७
इति क्षेत्रं तथा ज्ञानं, ज्ञेयं चोक्तं समासतः।

मद्भक्त एतद् विज्ञाय, मद्भावायोपपद्यते॥ १८

(प्रकरण का उपसंहार)

न्यूँ छेत्र, ग्यान, बिसै ग्यान का, बोल्ल्या सार रूप मैं तत्रै।
मेरा भगत जाण समझ यो, मैं ए बणनै जोगगा होवै॥ १८

प्रकृतिं पुरुषं चैव, विद्ध्यनादी उभावपि।

विकारांश्च गुणांश्चैव, विद्धि प्रकृतिसम्भवान्॥ १९

(प्रकृति पुरुस के गुण किस तहियाँ के?)

प्रकृति नै ओर पुरुस नै तैं, समझ अनादी दोत्रूँ नै ए।
सरू कदे नाँ कितै, किसै तैं, होणाळे नाँ, समझ नित्य तैं॥
विकार जगत् मैं जो सैं जितणे, बुद्धी तैं इन्द्रिय बिसयाँ तईं।
सुख-दुख-इच्छा-सोक-मोह-सी, परतीति रूप मैं सैं परिणत।
गुण सैं जग मैं उन नै समझो, सत रज तम तैं होणै आळे॥ १९

कार्यकरणकर्तृत्वे, हेतुः प्रकृतिरुच्यते।

पुरुषः सुखदुःखानां, भोक्तृत्वे हेतुरुच्यते॥ २०

रहैं बरोब्बर सत रज तम जिब, ये तीत्रूँ मिल प्रकृति कुहावैं।
'अव्यक्त' रूप ये इन का होवै, पुरुस उपस्थिति मैं खळबळ हो॥
क्सोभ होण पै व्यक्त सभी हौं, अलग-अलग प्रतिभान गुणाँ का।
'प्रतिभा' पहली कार्य अवस्था, 'महत्' आकार विकास तैं वा॥
'बुद्धि' ग्यान प्रकास प्रथम जो, बुद्धि व्यवस्थित होणै कारण।

कारण कारज करण भाव तैं, जगद्व्यवस्था करदी 'बुद्धी'॥
न्यूँ कारण करण कर्तृभाव मैं, कारण घटक कही सैं 'प्रकृति'।
सुख दुःख कै भोक्तृभाव मैं अर, कारण 'पुरुस' कुहावै चेतन॥ २०

पुरुषः प्रकृतिस्थो हि, भुङ्क्ते प्रकृतिजान् गुणान्।

कारणं गुणसङ्गोऽस्य, सदसद्योनिजन्मसु॥ २१

'पुर्' सैं पोल्ली, पुरदी, भरदी, प्राकृत सृस्टी कारण कारज।
बण कै स्थित 'उस' बस कै उस मैं, उस नै चिमकावै वो अर्जन॥
'पुरुस' कुहावै तद अविकारी, भोगै अर वो सत रज तम तैं।
उत्पन होए सुख दुख-से गुण, प्राकृत जग का आप्पा बण कै॥
उस नै ए वो, स्वयं समझ कै, 'मैं सूँ सुखिया, मैं सूँ दुखिया।
मूरख, ग्यात्री', खुद नै समझै, क्यूँकी सात्त्विक ओर असात्त्विक॥
राजस तामस देहाँ मैं जो, सीत उस्पण से द्वन्द्वभाव तैं।
सुख-दुख-इच्छा-सोक-मोह-से, गुण जो प्रगटैं, उन मैं फँसदा॥
बंधदा उन तैं 'मेरे ए ये', आरोपित न्यूँ खुद पै करदा।
आच्छी माड़ी, जड़ अर चेतन, जूणाँ मैं यो जिब सैं जान्दा॥ २१

उपद्रष्टानुमन्ता च, भर्ता भोक्ता महेश्वरः।

परमात्मेति चाप्युक्तो, देहेऽस्मिन्पुरुषः परः॥ २२

कारण कारज देह इन्द्रियाँ, मन चित्त अहङ्कृति अर बुद्धी।
आप्णा-आप्णा काम करै ये, कर्ता भोक्ता सुख दुख के हौं॥
बुद्धी मैं प्रतिबिम्बित भासित, हो कै यो इन कै धोरै स्थित।
साक्सी द्रस्टा बैठ किनारै, जलप्रवाह नै ज्यूँ देक्खै सैं॥
नाँ यो बहँदा, नाँ कुछ करदा, नाँ यो डरदा डूब्बण तैं सैं।
न्हाण-धोण का ओर तिरण का, आनँद बी यो लेन्दा नाँ सैं॥
बैट्टुचा देक्खै मौन भाव तैं, नाँ यो टोकै रोक्कै इन नैं।
'बहँदा रह तैं पाणी मैं न्यूँ', मौन स्वीकृति उन नै देन्दा॥
काया इन्द्री मन अर बुद्धी, चेतनराम बिना नाँ किम्मे।

कर ये पान्दे, न्यून यो इन का, बणदा पाळक पोसक स्वामी ॥
 बुद्धि सचिव जो ल्यावै इस नै, सुख-दुख-इच्छा-सोक-मोह-से।
 अनुभव सारे, उन नै लेवै, न्यून यो 'भोक्ता' बणदा आत्मा ॥
 देहधाम का सब तैं बड्डा, सासक राजा ईस्वर यो सै।
 भाण्ड्याँ, लोट्ट्याँ, कळस, घड़्याँ मै, अर सब भूताँ कै हिरदै मै ॥
 अलग-अलग आकास दीखदा, लोट्टे, भाण्डे टूट्ट्याँ पाच्छै।
 एक्कै आकास रहै, न्यून यो, देह उपाधी जाएँ पाच्छै।
 एक्कै आत्मा परमात्मा यो, कह्या देह मै 'परम पुरुस' सै ॥ २२

य एवं वेत्ति पुरुषं, प्रकृतिं च गुणैः सह।

सर्वथा वर्तमानोऽपि, न स भूयोऽभिजायते ॥ २३

(प्रकृति पुरुस के ग्यान का फळ)

जो न्यून समझै पुरुस तई अर, प्रकृति नै सुख आदि गुणाँ संग।
 प्रारब्ध देह मै पूरी तहियाँ, रहँदा करदा ब्यौहार सभी ॥
 प्रारब्ध करम सब भोग्यै पै, प्रारब्ध देह यो छूट्ट्यै पै।

नाँ वो फेर जलम सै लेन्दा ॥ २३

ध्यानेनतात्मनि पश्यन्ति, केचिदात्मानमात्मना।

अन्ये सांख्येन योगेन, कर्मयोगेन चापरे ॥ २४

(आतमग्यान के साधन)

श्लोक चित्त की बाह्य त्रितियाँ, आप्णै भीतर आच्छी तहियाँ।
 ध्यान लगा कै धर कै मन नै, सविकल्प समाधी कै पाच्छै ॥
 विकल्प बी सब दूर फँक कै, कर कै खाल्ही चित्त जब होन्दा।
 निर्विकल्प समाधि मै केवल, जोत प्रकासित आप्णै मै जो ॥
 कोए देकखै प्रकृति पुरुस नै, न्यारा-न्यारा समझण आळे।
 गिण कै उन नै 'सम्यक् ख्याती', सबै गुणाँ की अर निर्गुण की ॥
 कर कै होवै मुक्त जगत् तैं, अनित ओर अनित आच्छी तहियाँ।
 परम नित्य नै समझण आळे, ग्यानमार्ग तैं एक समझ कै ॥
 खुद नै खुद तैं बुद्धी तैं, दूजे कोए ग्यात्री जन अर।

*करमयोग तैं फळ की इच्छा, छोड प्रभू पै कर कै अर्पित ॥
 करम करै सैं आप्णै सारे, चित्त सै निर्मल उन का हो ज्या।
 ओट बिसै की नाँ रहणै तैं, परम ततव सै प्रगटे उन नै ॥ २४

अन्ये त्वेवमजानन्तः, श्रुत्वान्येभ्य उपासते।

तेऽपि चातितरन्त्येव, मृत्युं श्रुतिपरायणाः ॥ २५

*ओर, पर, न्यून नाँ समझदे, सुण ओराँ तैं मेरै धोरै।
 आवै करदे भक्ती, वैं बी, पार करै सैं मृत्यु नदी नै ॥
 सुणी बात कै पाच्छै चाल्लै, विवेक नहीं सै उन कै धोरै।
 सुणी बात मै सर्धा नोक्का, एक सहारा हो सै उन का ॥
 लागे रहँदे, पर, जो माणस, आप्णै रस्तै पै सर्धा तैं।
 होळे-होळे, देरी तैं ए, चित्त की सुद्धी होएँ पाच्छै।
 मज्जिल वैं बी पावै सैं अर, पार करै सै म्रित्युनदी नै ॥ २५

यावत् संजायते किञ्चित्, सत्त्वं स्थावरजङ्गमम्।

क्षेत्रक्षेत्रज्ञसंयोगात्, तद्विद्धि भरतर्षभ ॥ २६

(क्षेत्र क्षेत्रज्ञ जुड़णै तैं सब उत्पन)

जिब तक जितणी होवै किम्मे, चीज जगत् मै स्थावर जङ्गम।
 जड़ अर चेतन, वो तैं अर्जन, खेत खेत नै जाणनिये इन।
 दोन्नुँ कै ए मिलणै तैं हो, समझ भरताँ मै श्रेष्ठ तैं न्यून ॥ २६

समं सर्वेषु भूतेषु, तिष्ठन्तं परमेश्वरम्।

विनश्यत्स्वविनश्यन्तं, यः पश्यति स पश्यति ॥ २७

(ईस्वरदर्शन की करी बडाई)

स्थूलर सूक्ष्म, जड़ अर चेतन, स्थावर जङ्गम, सब भूताँ मै।
 एक जिसै स्थित परमेसर नै, खतम होणियाँ मै अविनासी।

उस नै जो देकखै, वो देकखै ॥ २७

समं पश्यन् हि सर्वत्र, समवस्थितमीश्वरम्।

न हिनस्तात्मनाऽऽत्मानं, ततो याति परां गतिम् ॥ २८

एक रूप मै देख रह्या जो, सब मै स्थित परमेसर नै वो।

नाँ हानि करै खुद तँ खुद की, इस तँ पावै परम गती सै ॥ २८
प्रकृत्यैव च कर्माणि, क्रियमाणानि सर्वशः।

यः पश्यति तथाऽऽत्मानमकर्तारं स पश्यति ॥ २९

प्रकृति ईस की माया जो सै, किमे बणाना सुभाव उस का।
वा ए करम करै सब तहियाँ, यो जो देखै, अर सै खुद नै।
'कर्ता नाँ मैं सूँ', न्यँ समझै, वो ए द्रस्टा परम ततव का ॥ २९
यदा भूतपृथग्भावमेकस्थमनुपश्यति ।

तत एव च विस्तारं, ब्रह्म सम्पद्यते तदा ॥ ३०

जिब भूताँ के अलग-अलग सब, भेदाँ नै एक ततव मैं स्थित।
सास्त्र गुरु कै उपदेस्साँ तँ, जाणै अर अनुभव तँ देखै।
उस तँ ए फैली या दुनियाँ, समझै तद वो ब्रह्म बणै सै ॥ ३०

अनादित्वान्निर्गुणत्वात्, परमात्माऽयमव्ययः ।

शरीरस्थोऽपि कौन्तेय, न करोति न लिप्यते ॥ ३१

(आत्मा नाँ सै लिपत देह मैं)

आदी, कारण तीन तहँ के, समवायि असमायि निमित्ता।
तीन्नुँ क्यूँकी इस के नाँ सँ, कारण गुण अर सत्त्व रजस् तम ॥
नहीं एक बी इस का कोए, मोह, सोक अर राग द्वेस से।
क्रोध लोभ अर ईर्खा सुख दुख, कारज गुण इस मैं नाँ सँ ॥
देस काळ अर पिण्ड उपाधी, तीन्नुँ तँ बी दूर भोत यो।
था बी जो कुछ, सै बी जो कुछ, अन्त न पाया जिस का इब तक ॥
ओर कदे नाँ मिल पावैगा, इसी सिस्टी मैं होगा जो कुछ।
सम्भव नाँ सँ आदि गुणाँ बिन, इस कारण यो सै परमात्मा ॥
आदि न हो, तो अन्त न होवै, जलम मरण कै बीच होणिये।
बिकार कठै तँ होंगे इस मैं?, इस तँ सै 'अव्यय' अविकारी ॥
व्यस्ति उपाधी काया मैं अर, ब्रह्माण्ड उपाधि समस्ती मैं।
दोन्नुँ तहियाँ की काया मैं, हो कै स्थित बी कुन्ती के सुत ॥
जीव'र सूत्रात्मा यो नाँ ए, करदा कर्म किमे, नाँ ए।

ल्लिहसदा उन का कारक बण कै, फळ भोग्गण कै ल्लिहसै मोह तँ ॥ ३१

यथा सर्वगतं सौक्ष्म्यादाकाशं नोपलिप्यते।

सर्वत्रावस्थितो देहे, तथाऽऽत्मा नोपलिप्यते ॥ ३२

सब तँ ऊप्पर हो कै बी ज्युँ, सब मैं आकास ततव हो सै।
सूक्ष्म होणै तँ नाँ लिपदा, धूँए धूळ'र भाँफ जिस्याँ तँ ॥
काया मैं स्थित न्यँ ए आत्मा, नाँ ए लिपदा पुण्य पाप तँ।
उन कै फळ सुख-दुःखादी तँ, हर्स सोक तँ नाँ ए लिपदा ॥ ३२
यथा प्रकाशयत्येकः, कृत्स्नं लोकमिमं रविः।

क्षेत्रं क्षेत्री तथा कृत्स्नं, प्रकाशयति भारत ॥ ३३

(ईस्वर करदा क्सेत्र प्रकासित)

ज्युँ चिमकावै इकळा पूरा, इन्द्रीगोचर जग यो सूरज।
पूर्ण खेत नै, ब्रह्माण्ड पिण्ड नै, न्यँ ए यो खेत्तर आळा।
चिमकावै सै भरतवंश के, गौरव अर्जन, परम ततव यो ॥ ३३

क्षेत्रक्षेत्रज्ञयोरेवमन्तरं, ज्ञानचक्षुषा।

भूतप्रकृतिमोक्षं च, ये विदुर्यान्ति ते परम् ॥ ३४

अं तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादे क्षेत्रक्षेत्रज्ञविभागयोगो नाम

त्रयोदशोऽध्यायः ॥ १३ ॥

(जो जाणै पावै परम गती)

खेत'र खेत्तर नै जाणनिये, इन दोनुवाँ कै भेद नै जो।
सास्तर पढ, गुरु-उपदेस्साँ तँ, खुल गी जो उस ग्यान-आँख तँ ॥
भूताँ का, सर्व विकाराँ का, मूळ अविद्या अव्यक्त स्वयम्।
ग्यानभिन्न जो त्रिगुणा माया, लीला वा उस परमेसर की।
उस तँ छुट्टी मुक्ती नै जो, जाणै पावै परम ब्रह्म वै ॥ ३४

स्त्रीमती सीतादेव्बी अर स्त्रीस्त्रीनिवास सास्तरी कै बैट्टै सिवनारायण

सास्तरी कै हरियाणी भास्सा कै गीतायन काब्ब्यभास्स्य मैं

तेहमाँ अदध्याय पूरा होया ॥ १३ ॥

पूर्वसलोकयोग ४८९ + ३४ = ५२३